

ԱՐԱՄԵԱՑԻՆԵՐԻ ՏԵՂԱՇԱՐԺԸ ԴԵՊԻ ՀԱՅԿԱԿԱՆ  
ԼԵՌՆԱՇՆԱՐՀԻ ՀԱՐԱՎ-ԱՐԵՎՍՏՅԱՆ ՇՐՋԱՆՆԵՐ ԵՎ ՆՐԱՆՑ  
ՊԱՅՔԱՐԸ ԱՍՈՐԵՍՏԱՆԻ ԴԵՄ (մ. թ. ա. XII—XI դդ.)

Պատմ. գիտ. դեկտեմբ. 2. Մ. ԱՎԵՏԻՍՅԱՆ

Մ. թ. ա. XII դարի վերջում, Թիզլաթպալասար I թագավորի (մ. թ. ա. 1115—1077 թթ.) գահակալության ժամանակ, Ասորեստանը կրկին հզորացավ: Ասորեստանի գլխավոր հակառակորդներն էին Հայկական լեռնաշխարհի պետական կազմավորումները և արամեական ցեղերի նոր զանգվածները: Թիզլաթպալասար I-ը իր իշխանության հենց սկզբից մեծ արշավանք է կազմակերպում դեպի հյուսիս: Առաջին հերթին նա ընդհարվում է Կադմուխի սահմաններում կուտակված մուշկերի ռազմամիավորումների հետ<sup>1</sup>:

Մուշկերի դեմ տարած հաղթանակից հետո Թիզլաթպալասարը ներխուժում է Կադմուխի երկիրը. կադմուխցիները անցնում են Տիգրիս գետը և ամրանում Շերեշե ամրոցում: Այստեղ նրանց օգնության են հասնում բաբելոնները: Թիզլաթպալասարը ներխուժում է Շերեշե և պարտության է մատնում կադմուխցիների և բաբելոնների միացյալ զինվորական ուժերին: Նա գերեզմարում է Կադմուխի թագավոր Քալի-Թեշշուբի որդուն՝ Քիլի-Թեշշուբին, «որին անվանում էին (նաև) Իրրուպի»: Շերեշեի նվաճումից հետո, Թիզլաթպալասարը պաշարում է այդ տարածքում գտնվող Ուրախինաշ (կամ Ուրրատինաշ) քաղաքը: Ուրախինաշի իշխան Խաթթուխի որդին՝ Շադի-Թեշշուբը իր քաղաքը ավերումից փրկելու նպատակով ներկայանում է Թիզլաթպալասարին և ընդունում ասսուրական լուծը: Այստեղից Ասորեստանի թագավորը շարժվում է դեպի Հայկական լեռնաշխարհի քաղաքները:

Այս կապակցությամբ հետաքրքիր են Թիզլաթպալասարի տարեգրության հետևյալ տողերը. «Ուժեղ և անհնազանդ շուբարիների երկիրը (ինձ) ենթարկեցի. իմ տերության ծանր լուծը դրի իրենց հարկն ու տուրքը դադարեցրած Ալլի և Պուրուլումգի երկրների վրա, (որպեսզի) անպայման տարեցտարի տուրքն ու հարկն ուղարկեն իմ Աշշուբ քաղաքը, իմ առջև. և ոսկ իմ քաջության շնորհիվ, քանզի Աշշուբը՝ իմ տերը շահագանդողին ճնշելու հզոր զենք էր տվել իմ ձեռքը և հրամայել իր երկրի սահմանը ընդարձակել.— 4000 կասկեր և ուրումեացիներ (ուրումացիներ)՝ Խաթթի երկրի անհնազանդ զինվորներ, որոնք իրենց ուժով գրավել էին իմ տիրոջ՝ Աշշուբին ենթակա Շուբարթու երկրի քաղաքները՝ դեպի Շուբարթու իմ արշավելու մասին լսեցին և իմ քաջության փայլը ահարեկեց նրանց. նրանք ճակատամարտից վախեցան և գրկեցին իմ ոտքերը: Նրանց հարստությունը, 120 մարտակառք, նրանց լծասարքերը ես վերցրի և նրանց իմ երկրի մարդիկ համարեցի»<sup>2</sup>:

Չնայած ասսուրական արձանագրություններում Ալլին և Պուրուլումգին

<sup>1</sup> E. A. Budge. L. W. King. Annals of the Kings of Assyria. I, London, 1902. p. 35, (այսուհետև՝ AKA); A. K. Grayson. The Assyrian Royal Inscriptions. II. Wiesbaden, 1976, § 12 (այսուհետև՝ ARI); 2. Մ. Ավետիսյան. Ասսուրական արձանագրությունները Հայկական լեռնաշխարհի ցեղերի, ժողովուրդների ու պետական միավորումների մասին.— Հայ ժողովրդի պատմության Քրեստոմատիա, I, Երևան, 1981, էջ 16:

<sup>2</sup> AKA I, p. 47; ARI II, § 12; 2. Մ. Ավետիսյան. Ասսուրական արձանագրությունները..., էջ 16:

համարվում են շուբարական երկրներ<sup>8</sup>, բայց վերոհիշյալ արձանագրության համաձայն, Ասորեստանի թագավորը Ալզի և Պուրուլումզի անցնելուց հետո նոր հայտնվում է Մուբարթուա երկրում, որտեղ, ըստ Թիզլաթպալասարի, արդեն բնակություն էին հաստատել կասկերը և ուրումեացիները (ուրումեացիներ-հայասացիներ): Ելնելով Թիզլաթպալասար I-ի տարեգրության տվյալներից ենթադրվում է, որ այս ժամանակաշրջանում Շուբարթուում իշխում էր Արի-Թեշշուբ անունով թագավորը<sup>9</sup>: Սա նշանակում է, որ Թիզլաթպալասարի թագավորության տարիներին, Շուբարթու ասելով, ասորեստանցիները նկատի ունենին կոնկրետ երկիր, իսկ այդ երկիրը, հաշվի առնելով Թիզլաթպալասարի արշավուղին, համապատասխանում է Սասունի և Մուշի շրջաններում հիշատակվող Շուբրե պետական կազմավորմանը:

Հաշորդ տարի Ասորեստանի թագավորը հերթական արշավանք է ձեռնարկում Կադմուխի երկիր<sup>10</sup>: Այստեղ իր իշխանությունը վերականգնելուց հետո նա շարժվում է դեպի Իսուա (Իսուվա-Մոփք), Սուխմու (Մուխմու) և Հույկական, լեռնաշխարհի մյուս շրջանները<sup>11</sup>: Ասորեստանի թագավորին դիմադրություն են ցուցաբերում նախորդ երկրների 60 թագավորները (իշխանները)<sup>12</sup>: Ասորեստանյան և նախորդան բանակների միջև գլխավոր ճակատամարտը հավանաբար տեղի է ունենում Արածանի գետի վերին հոսանքի ավազանում՝ Մանգլերտի մոտ գտնվող Յոնշալու բնակավայրում, որտեղ պեղումների ժամանակ հայտնաբերվել է Թիզլաթպալասար I-ի արձանագրությունը<sup>13</sup>: Այս ճակատում Ասորեստանի գլխավոր հակառակորդն էր Եփրատ և Ճորոխ գետերի վերին հոսանքների ավազանում ձևավորված Դայանի թագավորությունը<sup>14</sup>: Այստեղ այն ժամանակ իշխում էր Սենի թագավորը:

Իրագրական գործողությունների ժամանակ Թիզլաթպալասարը պարտության է մատնում նախորդան թագավորներին և ստիպում է նրանց ենթարկվել Ասորեստանին, իսկ անհնազանդ Սենիին գերեվարում և տանում է իր Աշշուբ մայրաքաղաքը, բայց հետո հանգամանքների բերումով ներում է շնորհում նրան<sup>15</sup>:

Հետաքրքիր է, որ Թիզլաթպալասարի այս արշավանքների ժամանակ Հյուսիսային Միջագետքում հաստատված արամեացիները չեն հիշատակվում: Հընարավոր է, որ այս անգամ նրանք չեն մասնակցել ռազմական գործողություններին: Ասորեստանի բնակավայրերի վրա հաճախակի հարձակումներ էին գործում Եփրատի հովտում բնակված արամեացիները: Ուստի, Ասորեստանի տիրապետությունը Հայկական լեռնաշխարհում ապահովելուց հետո, Թիզլաթպալասարը իր հիմնական ռազմական ուժերը կենտրոնացնում է պետության հյուսիս-արևմտյան ծայրամասերում: Սկսվում է Ասորեստանի և արամեացիների անընդմեջ ռազմական բախումների շրջանը, որը հարատևում է շուրջ 14 տարի, և թե հաշվի առնենք Թիզլաթպալասար I-ի այն վկայությունը, թե իբրև արամեացիներին ճնշելու նպատակով նա տարեկան երկու անգամ՝ ընդամենը 28 անգամ, անցել է Եփրատ գետը և պարտության է մատնել նրանց տարբեր երկրամասերում՝ սկսած Ամուրրու երկրի Թագմար (= Թագմոր-Պամիր), բարե-

<sup>8</sup> И. М. Дьяконов. Ассиро-вавилонские источники по истории Урарту.—Вестник древней истории, 1951, №2—4, с. 267, №3 (այսուհետև՝ АВИИУ).

<sup>9</sup> J. D. Hawkins. Assyrians and Hittites.—Iraq, vol 36, 1974, № 1—2, p. 78.

<sup>10</sup> AKA, I, p. 51; ARI, II, § 19.

<sup>11</sup> AKA, I, p. 57; ARI, II, § 24—32.

<sup>12</sup> AKA, I, p. 63—68; ARI, II, § 30.

<sup>13</sup> АВИИУ, № 17, прим. I.

<sup>14</sup> Դայանի (ուրարտական աղբյուրների Դիաուխի) թագավորությունը գտնվել է Միջերկրական ծովից և Միջագետքից դեպի Սև ծով տանող գլխավոր առևտրական ճանապարհի վրա, այն համարվում է Հայկական լեռնաշխարհի հարուստ թագավորություններից մեկը: И. М. Дьяконов, Предыстория армянского народа. Ереван, 1968, с. 137.

<sup>15</sup> AKA, I, p. 68—71; АВИИУ, № 10; ARI, II, § 30—31.



լական Ռապիկու<sup>11</sup> և Սուխու երկրի Անատ<sup>12</sup> քաղաքներից մինչև Կարթեմիշ քաղաքը<sup>13</sup>,

Ասորեստանի Քիզլաթպալասար թագավորը իր տարեգրություններում ռազմական իրադարձությունները նկարագրելիս սովորաբար խոսում է միայն իր հաղթանակների մասին, այն էլ խիստ չափազանցված: Արամեացիների դեմ կատարած արշավանքի մասին նա գրում է.

«...Ախլամեացիների-արամեացիների, իմ տիրոջ՝ Աշշուր աստծու թշնամիների դեմ ես գնացի. Սուխու երկրից մինչև խաթթե երկրի Կարթեմիշ քաղաքը մեկ օրում ես կողոպտեցի, նրանց ջարդը կազմակերպեցի. նրանց ավարը, ունեցվածքը և գույքը անհաշիվ ես տարա: Նրանց զորքից մնացածը, որոնք իմ տիրոջ՝ Աշշուրի ղայրույթից փախան և Փուրատտու (Եփրատ) գետը անցան, նրանց հետևից նավակներով և տիկերով Փուրատտու գետը անցա: Բեշրի լեռան ստորոտում (գտնվող) նրանց քաղաքները ես նվաճեցի, այրեցի, բանդեցի, ոչնչացրի. նրանց ավարը, ունեցվածքը (և) գույքը՝ իմ քաղաքը բերի...»<sup>14</sup>:

Այս արձանագրությունից հետևում է, որ ասորեստանցիների և արամեացիների միջև ճակատամարտը տեղի է ունեցել սկզբում Եփրատի արևելքում՝ Բալխի և խարուր գետերի միջև՝ Ասորեստանին ենթակա տարածքում, իսկ սա հաստատում է, որ արամեացիներն են նախահարձակ եղել և ներխուժել Ասորեստանի սահմանները և ոչ թե հակառակը, ինչպես փորձում է մեզ համոզել Քիզլաթպալասար I-ը: Ճակատամարտից հետո արամեացիները իսկապես նահանջում են. նրանք անցնում են Եփրատ գետը և կենտրոնանում են շուրջ 70 կմ Դեր-Ջորից հյուսիս-արևմուտք գտնվող Բեշրի (Ջեբել-էլ-Բիշրի) լեռան մոտ: Ասորեստանի թագավորը հետապնդելով նրանց, կրկին բախվում է նրանց հետ: Նրա վկայությամբ նա հաղթում է արամեացիներին և գրավում է Բեշրի լեռան մոտ գտնվող նրանց վեց բնակավայրերը: Ահա և սա է Քիզլաթպալասար I-ի արամեացիների դեմ 14 տարվա ընթացքում վարած ռազմական գործողությունների արդյունքը: Հետևաբար կարելի է հաստատել, որ Ասորեստանի թագավորը արշավանքների ժամանակ էական հաջողության չի հասնում. նա հիմնականում թշնամուց ազատադրում է իր երկիրը: Ուստի պատահական չէ, որ նրա մահից հետո, նրա որդին՝ Աշարեղ-ապիլ-էկուրը (մ.թ.ա. 1076—1075 թթ.) իր իշխանության երկու տարիների ընթացքում անգոր է լինում նույնիսկ պաշտպանել իր սահմանները: Ասորեստանի համար այս բավականաչափ բարդ քաղաքական իրադրությունն պայմաններում իշխանության գլուխ է բարձրանում Քիզլաթպալասար I-ի մյուս որդին՝ Աշշուր-բել-կալա թագավորը (մ.թ.ա. 1074—1057 թթ.): Նա առաջին հերթին իր զորքերն առաջնորդում է դեպի Արևելյան խարուր և Մեծ Զար գետերի միջին և վերին հոսանքների շրջանները: Այստեղ նա բախվում է Ուրուատի ցեղային միություն և խաբիի երկրի զորամիավորումների հետ և, իր իսկ վկայությամբ, հաղթանակով վերադառնում է Ասորեստան<sup>15</sup>,

Ասորեստանի թագավորը վերջապես փորձում է կասեցնել արամեացիների սպառնալից առաջխաղացումը և այդ նպատակով մեծ զորքով շարժվում է դե-

11 Ռապիկու քաղաքը գտնվել է Իրաքում՝ ներկ. Ռամադի (—Ալ-Անբար) շրջանում, Եփրատ գետի արևմտյան ափին:

12 Անատը (ներկ. Անա քաղաքը Իրաքում) կղզի է Եփրատի մեջ՝ խաղիտա քաղաքից դեպի հյուսիս: Տարածքը 0,5 քառակուսի կիլոմետր է (երկարությունը 1 կմ, լայնությունը՝ 0,5 կմ): Այստեղ կատարվել են սխտեմատիկ պեղումներ, որոնց ժամանակ հայտնաբերվել են բազմաթիվ հնագիտական նյութեր, այդ թվում՝ Սուխու թագավորի՝ Շամաշ-րեշ-ուցուրի որդու՝ Նինուրտա-կուդուրու-ուցուրի արձանագրությունը (աքթադերեն լեզվով) և այլ տեքստեր, որոնք պահվում են Իրաքյան թանգարանում: Անատ կղզին խաղիտա ջրամբարի կառուցման հետևանքով, այսօր հավանաբար ընկղմված է Եփրատյան ջրերում:

13 ARI, II, §§ 34, 83, 97, 143.

14 AKA, I, p. 73; ARI, II, § 34.

15 ARI, II, § 216.

պի հյուսիս. Այս ուղղությամբ կատարած արշավանքների կապակցությամբ գրված նրա տարեգրությունները հատուկ ոճով են շարադրված՝ այստեղ բազմիցս կրկնվում է ... *harranat sa hurasi sa ahleme* ... *harranat sa hurasi sa ahleme* արտահայտությունը: *Harranat sa hurasi sa ahleme* նշանակում է «ճանապարհ», ռազմական արշավանք, առևտրական ուղևորություն, քարավան<sup>16</sup>, կոնտինգենտ<sup>17</sup>: Կոնտինգենտ ասելով Ա. Գրեյսոնը ավելի շուտ հասկանում է առևտրական կոնտինգենտ, քան ռազմականը: Սակայն առևտրական կազմակերպությունները հիմնականում գործ ունենին առ ու ծախի հետ. բնականաբար, նրանք պետք է շահագրգռված լինեին միայն պաշտպանել իրենց ունեցվածքը, բայց ինչպես հիշատակում է Աշշուր-բել-կալան<sup>18</sup> և ինչպես վերը նշել ենք Քիզաբալասար 1-ի տրամեսցիները դեմ կատարած արշավանքի կապակցությամբ, արամեացիները Աշշուր աստծու թշնամիներն էին և նրանք էին հարձակվում Ասորեստանի վրա, իսկ հարձակվել կարող էին միայն հատուկ զինված ջոկատները, հետևաբար մենք կարծում ենք, որ Աշշուր-բել-կալայի տարեգրության խարրանու բառը նշանակում է «ռազմական կոնտինգենտ» կամ «կայազոր», մի փաստ, որը խոսում է նաև քոչվոր արամեացիների ռազմական բարձր կազմակերպվածության մասին:

Բոլոր դեպքերում, անկախ այն բանից, թե խարրանու ասելով ինչ էին հասկանում ասորեստանցիները, Աշշուր-բել-կալայի արձանագրությունները հատուկ վկայում են Հյուսիսային Միջագետքում և Հայկական լեռնաշխարհի հարավ-արևմուտքում արամեացիների ռազմական ջոկատների գոյության մասին: Այս կապակցությամբ հետաքրքիր են Աշշուր-բել-կալայի տարեգրության համեմատաբար լավ պահպանված հետևյալ հատվածները.

... «...նա (Աշշուր-բել-կալան) կոտորեց արամեացիների կայազորը [—X—] մարզի Շաժիրու քաղաքում...»<sup>19</sup>; «...նա կոտորեց արամեացիների կայազորը Կաշիարի լեռան ստորոտում գտնվող Պաուծա քաղաքում...»<sup>20</sup>; «...նա կոտորեց արամեացիների կայազորը Նաբուլա քաղաքի դարպասի մոտ...»<sup>21</sup>; «...նա կոտորեց արամեացիների կայազորը Տիգրիս գետի մոտ գտնվող [ . . . ] Տիբուա քաղաքում...»<sup>22</sup>; «...նա կոտորեց արամեացիների կայազորը Շինամու<sup>23</sup> մարզի մոտ գտնվող Լիշուրծալա-Աշուրի քաղաքներում...»<sup>24</sup>; «...այն տարում, էլուլու (օգոստոս-սեպտեմբեր) ամսում նա կոտորեց արամեացիներին

<sup>16</sup> Օրինակ *harranat sa hurasi sa ahleme* «ախլամյացիների ոսկու քարավանը»—ARI, II, p. 53, note 226.

<sup>17</sup> W. von Soden, Akkadisches Handwortbuch, Wiesbaden, S. 326; ARI, II, p. 53, note 226.

<sup>18</sup> ARI, II, § 255.

<sup>19</sup> AKA, I, p. 132.

<sup>20</sup> AKA, I, p. 134, ARI, II, § 239.

<sup>21</sup> Նույն տեղում. Նաբուլա քաղաքը նույնացվում է ներկայիս Նիրլիի (—Ներլիի) հետ—<sup>25</sup> կամ Նուսայրիի հյուսիս-արևելք: *St' u*—E. F o r r e r, Die Provinzeinteilung des assyrischen Reiches, Leipzig, 1921, S. 21 (PAR).

<sup>22</sup> AKA, I, p. 134; ARI, II, § 240.

<sup>23</sup> Ըստ Բողազբոյի արձանագրությունների (KUB 26, 43, 40, 50, 35; A. Goetze, Kizzuwatna and the Problem of Hittite Geography, London, 1940, p. 70). Շինամու քաղաքը գտնվել է Կիցցուվատնայի մայրաքաղաք՝ Կիցցուվատնա (= Կումմանի-Կումանա կատաունյան) քաղաքի մոտ (A. Ungnad, Subartu. Beiträge zur Kulturegeschichte und Völkerkunde, Berlin—Leipzig, 1936, S. 135, note 2); A. Goetze, Kizzuwatna, p. 10. Սակայն Աշշուր-բել-կալայի արձանագրությունում հիշատակված Շինամու քաղաքը գտնվել է Հյուսիսային Միջագետքում (տե՛ս H. Klengel, Zum Brier eines Königs von Hanigalbat (IBoT I. 34).—Orientalia, 32, 1963, № 3, S. 284).

<sup>24</sup> AKA, I, p. 135; ARI, II, § 241. Այնուհետև խոսվում է խանիզալաստ երկրի Շու[—]րու և Կաշիարի լեռան մոտ գտնվող Խուլզու և խարխիացիների կողմից գրաված էրեշու քաղաքների նվաճման մասին:



կայսզորը՝ Շուրբե երկրի Մուրար [րիր] քաղաքում...»<sup>25</sup>: «...նա կոտորեց արամեացիների կայսզորը Յարի երկրի Մագրիսու քաղաքում»<sup>26</sup>: Այդպիսի արամեական կայսզորներ հիշատակվում են նաև Խառանի (Խարրանի) շրջանում<sup>27</sup>, Ադեմ և Փոքր Զար գետերի վերին հոսանքների շրջանում գտնվող Խառու լեռան ստորոտում (Լուլլումու երկրում) և այլ երկրամասերում<sup>28</sup>:

Շուրբե երկրում արամեացիները հիշատակվում են նաև հետագայում՝ Ասորեստանի Սարգոն II թագավորի իշխանության տարիներին (մ.թ.ա. 721—705)<sup>29</sup>, Մ.թ.ա. X դարում Հյուսիսային Միջագետքում ձևավորվում են արամեական իշխանություններ<sup>30</sup>, իսկ մ.թ.ա. VIII դարում բազմաթիվ արամեական ցեղախմբեր հիշատակվում են Տիգրիս գետից արևելք՝ Փոքր Զար գետի ավազանում<sup>31</sup>:

Հայկական լեռնաշխարհի հարավ-արևմտյան ծայրամասում արամեացիների տարածման մասին կարևոր տեղեկություններ է հաղորդում Ասորեստանի Աշշուր-նաժիր-ադալ II թագավորը (մ.թ.ա. 883—859 թթ.): Այս կապակցությամբ հետաքրքիր է նրա արձանագրության հետևյալ հատվածը. «...Մինարու Լ. Թիդու ամրոցները, որոնք Շուլմանուաշարեղուն<sup>32</sup> (=Սալմանասար I) Ասորեստանի թագավորը՝ իշխանը ինձնից առաջ, հիմնել էր Նաիրի երկրում, որոնք արամեացիները ուժով խլեցին, իմ սեփականությունը դարձրի: Ասորեստանցիներին, որոնք Նաիրի երկրում Ասորեստանի բերդերը պահում էին (և) որոնց արամեացիները ձնշել էին, նրանց լքած բնակավայրերում և տներում (կրկին) հաստատեցի, խաղաղ բնակարաններում բնակեցրի...»<sup>33</sup>:

Մինարու և Թիդու բերդերը, ինչպես հետևում է Աշշուր-նաժիր-ադալ II-ի արձանագրությունից, գտնվել են Նաիրի երկրում, Բիթ-Ջամանի իշխանության

<sup>25</sup> AKA, I, p. 136; ARI, II, § 242. Աշշուր-բել-կալայի արձանագրության այս հատվածները ենթադրաբար վերագրում էին Թիգլաթպալասար I-ին (И. М. Дьяконов. Предыстория армянского народа, с. 130, прим. 13): Այստեղ Շուրբեի վերաբերող հատվածը Ֆարգմանվում է հետևյալ կերպ «во время похода на страну Ареме сразился в поселении Мурап [...] страны Шубре». «Արեմե երկիր» ասելով նա հասկանում էր արամեացիների երկիր: Սակայն հետագայում Բ. Մ. Դյակոնովը, բանավոր խոսակցության ժամանակ նշել է, որ, տվյալ արձանագրության մեջ հիշատակված *KI Ra-ri-me* նշանակում է «արամեացիներ», այսինքն այնպես ինչպես այսօր ընդունված է մասնագիտական գրականության մեջ, տե՛ս ARI, II, § 242.

<sup>26</sup> AKA, I, p. 136; ARI, II, § 244. Մագրիսու (կամ Մագարիսու) քաղաքը գտնվել է Խարուր և Զաղչակ գետերի խառնարանի մոտ. տե՛ս H. F. Russell. The Historical Geography of the Euphrates and Habur According to the Middle and Neo-Assyrian Sources.—Iraq, XLYII, 1958, p. 69; M. Liverani. The Growth of the Assyrian Empire in the Habur (Middle Euphrates Area; A New Paradigm).—State Archives of Assyria Bulletin, vol. 2, 1988, p. 94.

<sup>27</sup> ARI, II, § 243.

<sup>28</sup> ARI, II, § 245, 247. Այն մասին, որ Խառու լեռը գտնվել է Լուլլումու երկրում տե՛ս ARI, II, § 248.

<sup>29</sup> R. F. Harper. Assyrian and Babylonian Letters. London and Chicago, 1892—1916, § 252; Ran Zadok. Notes on the Historical Geography of Mesopotamia and Northern Syria.—Abr-Nahrain, vol. XXVII, 1989, p. 166.

<sup>30</sup> ARI, II, § 433—434.

<sup>31</sup> D. D. Luckenbill. Ancient Records of Assyria and Babylonia. I, Chicago, 1926. § 771, 782, 783, 788.

<sup>32</sup> Բ. Մ. Դյակոնովի կարծիքով Շուլմանուաշարեղուն Ասորեստանի Սալմանասար I թագավորն է (մ.թ.ա. 1263—1234 թթ.) (ABNIV № 26, с. 294, прим. 45), իսկ Ա. Կ. Գրեյսոնը նրան ընդունում է որպես Սալմանասար II (մ.թ.ա. 1031—1020 թթ.) (ARI, II, § 641): Մենք բաժանում ենք Բ. Մ. Դյակոնովի կարծիքը, բանի որ Սալմանասար I-ը իսկապես արշավանքներ է ձեռնարկել դեպի Հայկական լեռնաշխարհ, իսկ Սալմանասար II-ի ժամանակ Ասորեստանը խիստ թուլացած էր:

<sup>33</sup> AKA I, p. 239—240; ABNIV, № 26, с. 293; ARI, II, № 641.

հարկանությամբ: Սինաբուն նույնացվում է Տիգրիս գետի ձախ ափին գտնվող ներկայիս Չենաբ քաղաքի հետ՝ 7 կմ Թուշխանից (ներկ. Քարխ) հյուսիս<sup>34</sup>: Թիդու բերդաքաղաքը գտնվել է Սինաբուի հարևանությամբ և պետք է նշել, որ այն դու բերդաքաղաքը գտնվել է Սինաբուի հարևանությամբ և պետք է նշել, որ այն չի առնչվում միտանական Տայգա մայրաքաղաքի հետ, որը տեղադրվում է Ջակոյան գետի ափին գտնվող ներկ. Թել-Բրակ բնակավայրում<sup>35</sup>, ուստի երկու բերդաքաղաքներն էլ գտնվել են Հայկական լեռնաշխարհի հարավ-արևմտյան ծայրամասում:

Ելնելով Աշշուր-նածիր-ապալ II-ի վերոհիշյալ արձանագրությունից կարելի է հաստատել, որ դեռևս Սալմանասար I թագավորի (մ.թ.ա. 1263—1234 թթ.) հիշխանության տարիներին նախորդյան Սինաբու և Թիդու բերդաքաղաքները նրավաճվել են ասորեստանցիների կողմից և այնտեղ հաստատվել են ասորական կայազորները, իսկ ավելի ուշ արամեացիներին հաջողվել է ազատագրել այդ բերդաքաղաքները Ասորեստանի լծից և ապրել այնտեղ խաղաղ մինչև Աշշուր-նածիր-ապալ թագավորի գահակալությունը:

Հետագոտողների կարծիքով, հայ-արամեական վաղ հարաբերությունները և արամեերեն ու հայերեն լեզուների փոխազդեցությունը տեղի են ունեցել մ.թ.ա. VI—III դարերում, երբ բավականին մեծացել էր արամեերեն լեզվի դերը Պարսկական պետության մեջ<sup>36</sup>: Այս վաղ ժամանակաշրջանում արամեերենի ազդեցությունը, ըստ Գ. Ջահուկյանի, կարող էր հանդես գալ, մի կողմից՝ պաշտոնական գրական լեզվի գործածության, մյուս կողմից՝ հարավի արամեախառն բնակչության հետ շփվելու ճանապարհով: Սակայն Աշշուր-բել-կալայի, Աշշուր-նածիր-ապալ II-ի և Սարգոն II-ի վերոհիշյալ տարեգրությունների տվյալներից հետևում է, որ արամեացիները հիշատակվում են Հայկական լեռնաշխարհի հարավ-արևմուտքում՝ կոնկրետ՝ Տիգրիս գետի վերին հոսանքից հյուսիս գտնվող Սինաբու (Ջենաբ) և Թիդու բերդաքաղաքներում, Բաթման գետի ավազանում, Շուբրե (Սասունի շրջան) երկրի Մուրարրի քաղաքում, դեռևս մ.թ.ա. XI դարի առաջին կեսին:

Արամեացիների հետ ուղղակի ընդհարումները նկարագրելիս, Աշշուր-բել-կալայի հայտնում է միայն իր հաղթանակի մասին, չհիշատակելով գրաված քաղաքները և ուղղակիորեն, ինչը սովորաբար ասորական թագավորները հրապարտություններ էին արձանագրում: Ուստի դժվար է որոշել Աշշուր-բել-կալայի արամեացիների դեմ կատարած արշավանքների միջոցառումները:

Բաբելոնում (= Կարգունիաշում) Մարդուկ-շապիկ-զեբի թագավորի (մ.թ.ա. 1082—1070 թթ.) մահվանից հետո Աշշուր-բել կալայի թագավոր է կարգում ոմն Ադադ-ապալ-իդդինային (մ.թ.ա. 1069—1048 թթ.)<sup>37</sup>, որը, ըստ մեկ այլ արձանագրության, արամեացի Իտտի-Մարդուկ-Բալատուի որդին էր<sup>38</sup>: Աշշուր-բել-կալայի ամուսնանում է Բաբելոնի այս նոր թագավորի դստեր հետ և դրանով ամրապնդում իր ազդեցությունը Բաբելոնում:

Բաբելոնի գահին արամեացի Ադադ-ապալ-իդդինային նստեցնելը և նրա դստեր հետ ամուսնանալը Աշշուր-բել-կալայի նաև հատուկ մշակված քաղաքականություն էր, որով հավանաբար նա ձգտում էր բարիդրացիական հարաբերություններ պահպանել արամեացիների նկատմամբ և կանխել նրանց հետագա առաջխաղացումը: Սակայն Ասորեստանի թագավորի ջանքերը, ինչպես

<sup>34</sup> PAR, S. 28. H. В. Арутюнян. Топонимика Урарту. Ереван, 1985, с. 168

<sup>35</sup> D. Oates. Excavations at Tell Brak, 1983—1984.—Iraq, 47 (1985), pp. 169—172; J. J. Hillingworth. Inscriptions from Tell Brak, 1986.—Iraq, vol. 50, 1988, p. 107.

<sup>36</sup> А. Г. Периханян. Два слоя арамейской лексики в древнеармянской лексике (доклад на II Всесоюзной сессии по изучению Древнего Востока 15 мая 1962 г.).—ВДИ, 1963, № 1, с. 169. Գ. Ջ. Ջահուկյան. Հայոց լեզվի պատմություն, նախագրային ժամանակաշրջան, Երևան, 1987, էջ 475—476:

<sup>37</sup> ARI, II, § 285:

<sup>38</sup> ARI, II, § 288:



հետևում է այդ յուրերից, ապարդյուն են անցնում: Արամեացիները և սուբարիները՝ մասամբ Հայկական լեռնաշխարհի հարավ-արևմտյան շրջանների գործադարձումները ռազմական գործողություններ են ծավալում ոչ միայն Ասորեստանում, այլ նաև բաբելոնական քաղաքներում: Բաբելոնական ծովամերձ երկրորդ դինաստիայի առաջին թագավոր Սիմբար-Շիխուն (մ.թ.ա. 1020—1006 թթ.) իր արձանագրությունում գրում է. «...Բաբելոնի թագավոր Ադադ-ապլա-իդդինայի իշխանության ժամանակ թշնամական արամեացիները և սուսիները էքուտի<sup>39</sup> և Նիպպուրի հակառակորդները, Դուրանքի<sup>40</sup> ամայացողները, Սիպպար հին քաղաքը՝ աստվածների գերագույն դատավորի նստավայրը, նրանց պաշտամունքային առարկաները հափշտակողները: Կողոպտեցին շումերների և աքքադացիների երկիրը, քանդեցին բոլոր տաճարները, ունեցրած բոլոր գույքը էնլիլի, որը արամեացիները տարան, իսկ սուբարիները վերսրբին...»<sup>41</sup>:

Արամեացիների և սուբարիների տարած այս ռազմավարը, ինչպես այնուհետև գրում է Սիմբար-Շիխուն, ետ է վերցվում ասորեստանցիների կողմից և վերադարձվում է սկզբում Բալ-թիլ (պաշտամունքային կենտրոն Աշշուրում), իսկ հետո Դուրանքի (=Նիպպուր) քաղաք<sup>42</sup>: Հիմք ընդունելով Սիմբար-Շիխունի արձանագրությունը կարելի է հաստատել, որ ռազմավարի վերադարձը կատարվել է Ադադ-ապլա-իդդինայի գահակալության սկզբից (մ.թ.ա. 1069 թ. մինչև մ.թ.ա. 1006 թ.) Սիմբար-Շիխունի իշխանության վերջն ընկած ժամանակը: Այս ժամանակահատվածում սուբարիների և արամեացիների դեմ արշավանքներ կազմակերպող Ասորեստանի թագավորներից մեզ հայտնի է միայն Աշշուր-բել-կալա թագավորը: Ուստի հնարավոր է, որ այս դեպքերը կապ ունեն նույնիսկ վերը հիշատակված Աշշուր-բել-կալայի դեպի Շուբրե երկրի Սուբարի քաղաք՝ արամեացիների դեմ ձեռնարկած արշավանքի հետ:

Արամեացիները և մյուս քաղաքական կազմավորումները նկատելի չափով ուժեղանում են Աշշուր-բել-կալայի իշխանությունից հետո: Նրանց ճնշման ներքո Ասորեստանը խիստ թուլանում ու երկար ժամանակ դուրս է մնում քաղաքական ասպարեկից: Այս ժամանակահատվածի իրադարձությունների մասին որոշ տեղեկություններ պահպանվել են Աշշուրդան II (մ.թ.ա. 934—922 թթ.) և Ադադներարի II (մ.թ.ա. 911—891 թթ.) թագավորների տառեգրություններում: Ըստ այս ստրեգիաների, արամեացիների կողմից նվաճվում են ասսուրական բերդերը և ավերածություն են ենթարկում բուն Ասորեստանի քաղաքները<sup>43</sup>, որոնցից մասնավորապես հիշատակվում է հյուսիսային շրջաններում գտնվող Ապկու քաղաքը<sup>44</sup>: Ասորեստանի այս ճգնաժամին մեծապես նպաստեցին նաև Հայկական լեռնաշխարհի հարավ-արևմտյան շրջանների պետական կազմավորումները: Շուբրե երկրի զորամիավորումները շարժվում են դեպի Մեծ Զաբ դեպի վերին հոսանքի շրջան, որը գտնվում էր Ասորեստանի տիրապետության տակ: Այստեղ նրանք պարտության են մատնում ասսուրական

39 էքուտը Նիպպուր քաղաքի տաճարն է:

40 Դուրանքին Նիպպուր քաղաքի այլ անվանաձևն է:

41 A. Goetze. An Inscription of Simbar-Sihu.—Journal of Cuneiform Studies, XIX, 1965, № 4, p. 121—122, lines 10—14; M. Heletz. The Suteans. Naples. 1981, p. 91.

42 Նույն տեղում, տեքստի 18—19-րդ տողերը:

43 ARI, II, § 363, 421—423.

44 ARI, II, § 423. Ապկուն համարվել է Ասորեստանի հին քաղաքներից մեկը. այն ավերվել է մինչև Ադադներարի II (մ.թ.ա. 911—891 թթ.) գահակալությունը (ARI, II, § 423), բայց Աշշուր-բել-կալայի իշխանությունից հետո՝ այսինքն Ասորեստանի վերոհիշյալ ճգնաժամի տարիներին, եթե հաշվի առնենք այն փաստը, թե Աշշուր-բել-կալան ավարտում է Ապկու քաղաքի թագավորական պալատի շինարարությունը, որը սկսել էր դեռևս Աշշուր-բեշ-իշի 1-ը (մ.թ.ա. 1133—1116 թթ.) (ARI, II, § 252):

կայազորներին և իրենց երկրի սահմանին են միացնում Արինու<sup>45</sup>, Տուրխու, և Հադուրու քաղաքները: «...Արինու, Տուրխու, Ջագուրու գրաված քաղաքները որը Շուբրե երկիրը Ասորեստանից խլել էր...»<sup>46</sup>: Այս փաստը վկայում է, որ մ.թ.ա. XI դարի երկրորդ կեսից մինչև մ.թ.ա. X դարի վերջը՝ այսինքն Աշշուբել-կալայի մահից մինչև Ադադներարի II-ի (մ.թ.ա. 911—891 թթ.) գահակալությունը, Շուբրե երկրի սահմանները Մուշի շրջանից ձգվել են մինչև Մեծ Ջար գետի վերին հոսանքը, որտեղ, ինչպես ցույց են տալիս աղբյուրները, դեռևս մ.թ.ա. XII դարում ձևավորվել էին հզոր խուռի-ուրուատրիական (ուրարտական) պետական կազմավորումներ<sup>47</sup>: Ուստի կարելի է պնդել, որ վերոհիշյալ ժամանակահատվածը հանդիսացել է պատմական կարևոր էտապ Շուբրե երկրի զարգացման ու պետական իշխանությունների ձևավորման համար:

ПРОДВИЖЕНИЕ АРАМЕЕВ В ЮГО-ЗАПАДНЫЕ РАЙОНЫ  
АРМЯНСКОГО НАГОРЬЯ И ИХ БОРЬБА ПРОТИВ АССИРИИ В XII—XI вв. до н. э.

Доктор истор. наук Г. М. АВЕТИСЯН

Резюме

В статье в свете новых данных обосновано ранее высказанное нами мнение о том, что арамейские племена распространились по юго-западным районам Армянского нагорья не в VI в. до н. э., как было принято считать в научной литературе, а раньше — в XI в. до н. э. Рассматриваются военно-политические взаимоотношения между арамеями и ассирийцами в период царствования Тиглатпаласара I и Ашшурбелкалы. Уделено внимание военным действиям страны Шубре в борьбе против Ассирии. Показано, что в этой борьбе шубрийцы освободили и присоединили к своей стране обширную территорию до верховьев Большого Заба, где уже были созданы сильные хуррито-урартские государственные образования.

THE MOVEMENT OF ARAMAEANS TO THE SOUTH-WESTERN  
REGIONS OF ARMENIAN HIGHLAND AND THEIR STRUGGLE  
AGAINST ASSYRIA IN THE XII—XI cc. B. C.

Doctor of Hist. Sc., G. M. AVETISSIAN

Summary

Under the light of new data included in the chronical of Assyrian kings the earlier expressed opinion of the author which says that the Aramaean tribes spreaded in the South-western regions of Armenian Highland not in the VI c. B. C., as adopted by scholars, but in the XI c. B. C. finds new proof. The military-political relations between Aramaeans and Assyrians during the reigns of Assyrian king Tiglath-Pileser I and Asurbel-kala is also discussed here. Special attention was given to the military operations of Subria in the struggle against Assyria. It is shown that in this struggle the Subrians had liberated and joined to their country a vast territory as far as the upper valley of the Upper Zab, where Hurro-Urartian state formations had already been founded.

<sup>45</sup> Արինու քաղաքը գտնվել է Այսա լեռան ստորոտում, Մեծ Ջար գետի վերին հոսանքի շրջանում. հանդիսացել է Մուսրու (Մուսասիր, Մուծածիր) երկրի կենտրոնական քաղաքը և նույնացվում է ուրարտական աղբյուրների Արդինի (=Մուսասիր) քաղաքի հետ (АВВИУ, № 2, прим. 9; № 10, V, 73, с. 274):

<sup>46</sup> АRI, II, § 422. Թուրխու և Ջագուրու քաղաքները հավանաբար գտնվել են Արինու քաղաքի մոտակայքում:

<sup>47</sup> И. М. Дьяконов. Предыстория армянского народа, с. 128.